

08.01.1975

Wotewrenje noweje lěkarskeje praksy	Eröffnung der neuen Arztpraxis
Radwor ma swoju lěkarsku praksu RADWOR. Wuznamny měznik na puću k dalšemu spjelnjenju socialno-politiskeho programa VIII. stronskeho zjězda SED bě zańdženu srjedu připołdnju w Radworju swjatočne wotewrjenje statneje lěkarskeje praksy. Jako čestni hosćo tutón wot ludnosće gmejny dolho wočakowany podawk nimo wjesnjanostkow Hildy Cyžec a Marje Wudyoweje tež do-žiwichu naměstnica wokrjesneho lěkarja dr. Stalke, wokrjesny architekt J. Bartosch, lěkarski nawoda zastaranskeho podwobwoda Njeswačidło, dr. Stöckel, a dalše wosobiny. Widžomnje hnuta přijimowaše dr. med. Marja Nawcyna, fachowa lěkarka za nutrkowne chorosće a lěkarska wjednica noweje praksy, zbožopřeća wobdźělnikow na wotewrjen-skim ceremonielu, kotřiž so zdobom dźakowachu wšěm — wosebje dr. Ackermannowej, dr. A. Nawce a gmejnskej sotře H. Pohl —, kiž su so dotak tak přikładnje starali wo strowotne derjeměće Radworčanow. Nimo wjacorych rumnosćow powšitkowneje lěkarskeje praksy je tam tež zaměstnjena zubnolěkarska stacija, kotraž pak so hakle pozdžišo wobsadži. (nd)	nem



Na pravje uspěšne skutkowanie w nowej Radworskej statnej lěkarskej praksy sej z jěje wjednicu dr. med. Marju Naweynej (nalěwo) připiwa ja chorobnej sotře knjenje Rječcyna a Pawlušowa, načolnica zarjadnistwa Njeswačanskeho krajneho ambulatorija knjeni Paulick, naměstnica wo-krjesnelo lěkarja dr. Stalke, lěkarski nawoda zastaranskeho podwobwoda Njeswačidło, dr. Stöckel, předsydka komisije za strowotnistwo a socialni-
słwo gmejnskeho parlamenta, Hańža Glücklichec, a gmejnska sotra Helene Pohl

Foto: H. B.

From:

<http://82.165.187.122/> - Radibor - Chronik

Permanent link:

<http://82.165.187.122/doku.php?id=arztpraxis-eroeffnung&rev=1645466055>

Last update: 2022/02/21 17:54

